

中國易學文獻集成續編

本書編委會◎編

24

全七十冊

國家圖書館出版社

中國易學文獻集成續編

本書編委會◎編



國家圖書館出版社

（清）黃宗炎撰

周易象辭十九卷附錄三卷（卷十二——十九）

清鈔本

第二十四册目錄

周易象辭十九卷附錄三卷（卷十二——十九）（清）黃宗炎撰 清鈔本

卷十二		一
卷十三		六三
卷十四		一二三
卷十五		一九九
卷十六		二六三
卷十七		三二七
卷十八		四二三
卷十九		四八五

周易象辭第十二

東浙黃宗炎學

七世仲孫模手錄并校

三三

山上下
水上蹇

古今禍難之興。无不始于乖戾。離天地和洽。則兩暘時若。天地乖離。則五行失叙。人情和洽。則元首股肱。明良喜起。人情乖離。則君臣父子。惟億萬心。妖孽生于幽隱。舛逆在于跬步。凡一動一靜。莫非艱難危險之事。此睽之所以必至于蹇也。夫五官百骸之用。最先在目。目視既審。其行乃確。睽已目失。其職足之步。履未有不蹇者。蹇蓋行而不通之謂。卦以水山取象。山本高峻。拔出于地上。水本潤下。由行乎地中。今水反加諸山上。其倒置。

已。極。將。使。盪。滅。彝。倫。陷。溺。人。心。者。無。所。不。至。矣。推。原。其。故。北。方。之。水。性。欲。東。注。有。山。以。塞。其。東。北。使。其。不。得。放。歸。東。海。回。流。激。湍。遂。成。懷。山。之。襄。陵。之。勢。禦。災。捍。患。惟。有。因。勢。利。導。行。所。无。事。水。必。就。下。有。來。无。往。盡。息。壤。以。障。洪。水。无。驅。其。復。往。之。術。疏。淪。決。排。亦。惟。受。其。來。而。縱。之。斯。无。事。也。斯。利。也。水。山。皆。東。北。之。卦。濟。險。之。人。與。濟。險。之。道。必。身。立。乎。險。外。始。可。有。為。象。辭。所。以。云。利。西。南。不。利。東。北。蹇。有。用。足。跋。涉。之。義。故。六。爻。多。言。往。來。初。居。最。卑。地。下。之。地。汎。濫。之。所。究。竟。如。人。雖。微。賤。未。有。救。時。之。責。而。人。望。已。歸。譽。之。象。也。二。居。地。上。下。民。昏。墊。為。王。臣。者。蹇。獨。勞。也。三。在。山。顛。水。不。能。久。留。反。而。趨。下。復。其。常。也。四。為。水。體。水。來。

聚會无不連合也。五以天下為蹇。其蹇乃大。一人憂之。羣臣協力。為勿來之象也。上處最高。水不能及。卦終險夷。水亦治平。山仍巍然而碩大也。即水落石出之意。蒙山下出泉。其水乃山之生氣所成。孩提親愛。可達天下。惟果之育之。至壯老而不失。斯為大人矣。蹇之山上有水。其水乃汙合亂流。化為狂濤。反覆枯亡。^迷逆其本性。惟反其既往之莽放。修其敗壞之習染。斯為補過矣。

蹇利西南。不利東北。見大人貞吉。

水險山止。有危難而行不進。此蹇之象。蹇之義也。夫流行不息者。水阻礙不遷者。山。山雖塞水之去路。水必潰決以就其所歸。

西南為地平夷廣衍可溝可瀆漸趨于海東北為山綿亘澀滯水不可通則將益其汎濫故利西南而不利東北也然濟時救世豈庸衆可能必利見有德有位之大人艱難守正獲治之吉道也

蹇蹇蹇蹇也從寒蹇從足道路有窒蹇足行不能如意若跛者之不正水流而山蹇之亦猶是也小篆譌作蹇從寒省義雖可通而解多支離矣

彖曰蹇難也險在前也見險而能止知矣哉蹇利西南往得中也不利東北其道窮也利見大人往有功也當位貞吉以正邦也蹇之時用大矣哉

蹇者行逢閉塞。動皆窒礙。人生之患難也。有險在前。未可身試。見而能止。待時而行。知彼知此。其智矣哉。山靜水明。所以成其為智也。蹇之利西南者。九五一陽往居平夷之地。而得中也。坎水一奇行于二偶之中。是水由地中行也。不利東北者。水遇山而无可流。其道路已窮極也。水拂其潤下之性。則發為狂濤。川瀆不足以隄防。而蹇終不可濟也。利見大人者。謂有其德。則知天時地理。而舉錯得宜。有其位。而經營度量。天下之人民信從。往而有為。何功之不成也。陽剛中正之君。而當位獲吉。乃其正邦國之明効也。古今之運會。一治一亂。因時而致用。使亂者復還于治。是蹇之所係者大矣哉。

象曰。山上有水。蹇。君子以反身修德。

山高水深。水行山峙。山實水所發原者也。逆而駕乎其上。天時人事。未可力爭。故其象為蹇。君子知橫逆之在于世者。悖上下之常道。變萬物之恆性。多有出于情理之外。既不得論是非。亦无可興怨尤。惟當屈其前進之氣。自反于身。修其德所未備而已。豈能與氣運相校乎。待時非空。坐守以待時。世之未自平。必反身修德。增益其所不能。始可以有利用。

初六。往蹇來譽。

蹇難之初。往而嘗試。是為禍始也。退而潛隱于下。其身志不染于降辱。彼有心世道之人。咸欲物色之。以為他時濟時之用。雖

處下位已為人望之所歸而名譽日章矣。惟不求譽故聲聞莫得而掩。苟躁進以圖僥倖所遇惟蹇名實兩喪矣。君子貴知時也。

象曰：往蹇來譽，宜待也。

雖物望已歸已而虛名易于賈禍尚宜待時而動。聖人恐人誤以虛名之及易于任事又申其義。

待，待峻也。從才從寺，有拘守之義。凡行欲遠去拘守不進將有俟待而然。

六二：王臣蹇蹇，匪躬之故。

以身許國為王之臣天下之蹇皆王師所拯救而王之蹇又其

臣當代理。故曰蹇。既任天下之重。已溺已饑。雖獨切于我。凡其經綸勞瘁。俱非因吾躬頂踵之故。而自為謀也。五剛中濟世之王者。與二柔中承順之臣子相應。王則知人信任之專。臣則忘身報畲之至。

故。故。使為之也。從支從古。人立法。後人但當奉行。亦有因久而敝生者。則不可不議變革之道。在人執策而損益之。使所為者通今而仍不背于古也。以其有酌古之義。借為典故。以其有長久之義。又借為故舊。以其有更改之義。又借為事故。物故。戴侗氏杜誤作從久。即古也。意則重複。義則疏淺矣。

象曰。王臣蹇蹇。終无尤也。

以天下為己任。雖極其跼手跼足。不敢自以為賢勞。而有所怨尤也。

九三往蹇來反

陽剛居上下之介。有濟世之才者。涵天下以一人砥其橫流。總未可犯難而即行。然反求諸身。斯世之安危治亂。无不並陳于胸臆。可為王者師矣。反與反身修德同。處蹇難而協力輔嗣。所謂同濟也。然其才能必屬諸陽剛。而為上下之所賴。象曰。往蹇來反。內喜之也。

反身修德。雖未即施于天下。而內行純備。家庭鄉黨。固以喜之矣。君子反身而誠。樂以忘憂。其內亦未嘗不喜也。使其少年逢

世豈能若是。

六四往蹇來連。

離下而上蹇難當除之時居得為之地亦除去蹇難之人也然濟世須陽剛之才四上承九五下鄰九三連而合之何功之不成苟獨擅自專豈能出險人技若己人聖心好即此之謂

連連負連也從是從車人所負荷之囊橐累、聯貫步行如車載也今與聯通用負連之釋隱矣

象曰往蹇來連當位實也

四陰當位而虛惟虛故能從人三陽當位而實惟實故能有所旋轉負連以實物當位以實人

九五大蹇朋來

人君憂時恤民。必非一手一足所能匡救。惟有知人善任。天下之大蹇。使百執事散而理之。一人舉一事。一事有專長。朋來會合。而分其憂勞。雖有大難。无不克濟。天降災禍。于一世。必生救災。定禍之人。于此時。但有知與不知。用與不用。尔能知能用。災禍隨消。不知不用。賢人君子。老死饑寒。災禍蔓延。流毒數世。至天怒自息。而後其亂漸平。此權實操于人君。彼人君者。亦何樂乎災禍。何讐乎治安。而必欲助天為虐也。盍亦三復于大蹇朋來之詞象乎。

象曰。大蹇朋來。以中節也。

節如節制之節。大化之鑪。鑄悉屬于人。君之鼓鑄。收天下之寸。長則人。无不可用。惟患舉錯有私。則賢能日遠。以中為節。其大智也。與何畏乎大蹇。

上六往蹇來碩。吉利見大人。

碩與碩果之碩同。山之象也。剝之碩在上。故云碩果。言其高也。蹇之碩在三。故云來碩。言來而向下也。九三以剛正之德。屹然中流。挽舉世之狂瀾。內外咸賴以濟蹇。上獨與之相應。舍此更復何圖。所以往則蹇。未_可出來。則得碩可倚。同心併力。患難可平。蹇至于此。方能獲吉。然其權其勢。自操于居天位之大人。九五剛中。饑渴求賢。以致朋來之慶。上之利見。天下皆雲合而影從。

矣。

象曰：往蹇來碩，志在內也。利見大人，以從貴也。

有其才而无其位，與有其位而无其才，功俱未可成也。來碩則志在內卦之九三，見大人則從九五之貴，以大有為之君，用能勝任之臣，撥亂反正，斯其時哉。

三三

水下解
雷上解

皇天降亂，生民塗炭。天地好生之心，或幾乎息矣。及乎厭亂悔禍，始有聖賢出而任事，驅除斯世之患，其經緯措置，雖非朝夕可定，而天時人事，實有倏然丕變者。蹇難之後，所以繼之解散也。天地之氣，閉藏沈錮，萬物摧殘，陽明剛正之道，漸萌蘖于幾